

十誦律卷第五十三

甘三

裸形上郎果反胡瓦反灑散上所買反掘地上其椒蕉音鞞醯上步迷反練若下汝澆頂上古堯反門闥下魚列反闥他達簾械上言排其月不椿竹江反碣渠列反

十誦律卷第五十四

廿四

姚秦三藏弗若多羅共三藏鳩摩羅什譯

第九誦之四  
俱舍彌法第二

問若衆僧壞爲二部諸比丘尼受半月教授法應從何部受答從說如法者受若無說如法者闔賴吒比丘應出界外教授問俱舍弥比丘毗耶離比丘捨界得名捨不答不得問毗耶離比丘俱舍彌比丘捨界得名捨不答不得捨問俱舍彌比丘布薩處二部共合一處闔賴吒云何布薩答應出界作布薩問是中檀越來捉上座手言布施衆僧是施物應答不得癡比丘若未作癡羯磨諸比丘不得

屬誰答隨何部作上座是物應屬一部若檀越捉第一上座第二上座手言是物施僧是物應屬誰答若二上座是一部上座應屬一部若二上座各是一部應屬二部云何應分答次第等分第四分與沙彌問若衆僧欲壞知法者次第敷一獨坐牀中間各留一牀處是中坐應作僧羯磨亦應教授比丘尼是中云何名成法答若二部隨順闔利吒比丘共和合是

瞻波法第三

問若睡眠比丘衆僧擯得名擯不答若聞白已睡眠得名擯問若衆僧睡眠擯一比丘是比丘得名爲擯不答若衆僧聞白已睡眠得名擯問若亂語憤鬧時擯比丘得名擯不答乃至四比丘聞白聲得名擯問若賊住比丘擯比丘不共住種種不共住人別住比丘住人散亂心病壞心人足數擯比丘得名擯不

離作布薩及諸羯磨若作癡羯磨已若來若不來諸比丘隨意作布薩及諸羯磨問頗比丘衆僧事未訖從坐處起不得波逸提耶答曰有若大小行若不離聞處是問毗尼中說比丘不在現前不應羯磨若作諸比丘得罪頗有比丘不現前作羯磨不得罪耶答曰有諸比丘尼爲比丘不現前與作不禮拜不共語不問訊不供養羯磨是問毗尼說不自首不應作羯磨頗有不自首得作羯磨耶答曰有若比丘不自首比丘尼僧得作不禮拜不共語不問訊不供養羯磨諸比丘在地有事人在高上得作羯磨<sup>廿四</sup>不答不得諸比丘在高

法比丘作羯磨得羯磨不答不得受法比丘以不受法比丘足數作羯磨得羯磨不答不得不受法比丘以受法比丘足數作羯磨得羯磨不答不得問頗有界內一時四處作羯磨不得罪耶答曰有四處展轉與欲得問頗一比丘於四住處中作羯磨不得罪耶答曰有若牀榻材木連接四界得問頗一足數人足四住處作羯磨不得罪耶答曰有若牀榻材木連接四界若坐若立得般茶盧伽法第四

優波離問佛諸比丘作滅羯磨擯一比丘諸比丘還捨是羯磨得名捨不答言得捨諸比丘得罪諸比丘在地被擯比丘在高上得解擯不答不得諸比丘在高上被擯人在地得解擯不答不得諸比丘在界內被擯人在界外得解擯不答不得諸比丘在界外被擯人在界內得解擯不答不得諸比丘在界內被擯俱在界內若坐若立得解擯諸比丘得罪問

比丘無比丘住處住得僧伽婆尸沙罪不得發露名覆藏罪不答曰不名覆藏問若比丘得僧伽婆尸沙罪竟日與比丘共住不發露出界至地了得覆藏罪耶答不名覆藏問若比丘得僧伽婆尸沙罪與賊住比丘諸擯比丘別住比丘不共住人種種不共住人狂人散亂心人病壞心人共住不向說得名覆藏不答不得問若比丘與癡人共住不向癡人說名覆藏不答不名覆藏不能語故若與聾人共住不向說得名覆藏不答不得不聞語故若與聾人共住不向說得名覆藏不答不得不解不聞語故若與邊地人共住不向說得名覆藏不答不得不解語故若比丘向比丘尼說名發露不答不名發露若向式叉摩尼沙彌沙彌尼優婆塞優婆夷說得名發露不答不得名發露問若比丘語餘比丘言若作如是罪得何等罪云何治不自說已作得名發靈不答不名發露問若比丘隨覆藏

罪不別住不行摩那埵諸比丘但與作出罪羯磨得名出罪不答得名出罪諸比丘得罪問若比丘隨覆藏罪作別住不行摩那埵諸比丘但與作出罪羯磨得名出罪不答得名出罪諸比丘得罪問若比丘隨覆藏罪作別住行摩那埵諸比丘但與出罪羯磨得出罪不答得名出罪諸比丘無罪問若比丘覆藏罪六夜行摩那埵諸比丘與作出罪羯磨得名出罪不答得名出罪諸比丘得罪問若比丘不覆藏罪衆僧中六夜行摩那埵諸比丘與作出罪羯磨得名出罪不答得名出罪諸比丘無罪問諸比丘在地有罪比丘在高上得名出罪不答不得諸比丘在高上有罪比丘在地得名出罪不答不得諸比丘在界內有罪比丘在界外得名出罪不答不得諸比丘在界外有罪比丘在界內得名出罪不答不得若諸比丘與有罪比丘俱在界內若坐若立得名出罪不答得

廿四

四

## 問順行法第五

優波離問佛頗比丘即是別住人即是別住竟人即是行摩那埵人即是行摩那埵竟人耶答曰有若比丘出精得僧伽婆尸沙罪是罪不覆藏是人從僧乞六夜行摩那埵僧與此比丘六夜摩那埵是比丘六夜行摩那埵

時爾所日已行竟更作出精得僧伽婆尸沙罪是第二罪亦不覆藏是比丘復從僧乞六夜行摩那埵僧復與此比丘六夜摩那埵是人行六夜摩那埵時爾所日已行竟更故出精得僧伽婆尸沙罪是罪覆藏是比丘隨覆藏日從僧乞別住是比丘隨覆藏日行別住時爾所日已行竟更故出精得僧伽婆尸沙罪是第二罪亦覆藏二罪覆藏一罪一夜覆藏二罪一夜覆藏是比丘過一夜以一罪故名別住人以一罪故名別住竟人以一罪故名行摩那埵人以一罪故名行摩那埵竟人問毗尼中說別住人不得與別住人有住處

不得同一覆無住處不得同一覆頗有別住人得與別住人有住處無住處同一覆於僧坊若無僧坊不得罪耶答曰有若本是外道問頗有人無罪亦名別住耶答曰有若本是外道問頗有比丘得僧伽婆尸沙罪不隨覆藏日不從僧乞別住衆僧亦不與是人隨覆

廿四

五

藏日別住是人不從僧乞六夜摩那埵僧亦不與是人六夜摩那埵是人亦不從僧乞出罪僧亦不與是人出罪是人亦名淨不答曰有若是比丘轉根作比丘尼是問頗比丘尼得僧伽婆尸沙罪不從二衆乞半月摩那埵二衆亦不與半月摩那埵不從二衆乞出罪羯磨二衆亦不與出罪羯磨亦名淨不答曰有若是比丘尼轉根作比丘是問出罪人在地餘比丘在高上與出罪得名出罪不答有名出罪出罪人在高上餘比丘在地與出罪得名出罪不答有名出罪出罪人在界內諸比丘在界外與出罪得名出罪不答有名出

罪出罪人在界外諸比丘在界內與出罪得  
名出罪不答不名出罪出罪人諸比丘俱在  
界內若坐若立得名出罪不答得名出罪問  
別住人與別住人有住處不得同一覆無住  
處不得同一覆別住人與行別住竟人與行  
摩那埵人別住人與行摩那埵竟人別住人  
與不共住人若有住處不得同一覆無住處  
不得同一覆別住人清淨比丘有住處不應  
同一覆無住處亦不應同一覆別住人別住  
竟人別住人摩那埵人別住人摩那埵竟人  
別住人不共住人有住處不得同一覆無住  
處不得同一覆若別住人出界去若能得有  
比丘住處可去若不去失行別住夜若言我  
不能行別住法摩那埵是人白衆僧言我不  
能行衆僧應置問應置幾日答應置二十五  
日問頗有人無罪亦從衆僧乞別住衆僧與  
名爲善與耶答本外道是問頗有不受具戒  
人得僧伽婆尸沙罪隨覆藏日從僧乞別住

僧與是人隨覆藏別住名爲善與耶從僧乞  
六夜摩那埵衆僧若與摩那埵亦名善與耶  
從衆僧乞出罪羯磨僧與出罪羯磨亦名善  
與耶答與學沙彌是

問遮法第六

優波離問佛頗得宿聽出他過耶答不得又

問以宿聽得遮波羅提木叉得遮自恣得遮  
教化比丘尼耶答不得問在地住人得與高  
上人作覆鉢不答不得高上人得與地人作  
覆鉢不答不得界內與界外人作覆鉢不答  
不得界外與界內人得作覆鉢不答不得若  
與作覆鉢人俱在界內若坐若立得作覆鉢  
六

問諸比丘在地足數人在高上作覆鉢得不  
答不得諸比丘在高上足數人在地作覆鉢  
不答不得諸比丘在界內足數人在界外作  
覆鉢得不答不得諸比丘在界外足數人在  
界內作覆鉢得不答不得若諸比丘足數人  
俱在界內若坐若立得作覆鉢諸比丘在地

與高上人作仰鉢得不答不得諸比丘在高  
上與在地人作仰鉢得不答不得諸比丘在  
界內與界外人作仰鉢得不答不得諸比丘  
在界外與界內人作仰鉢得不答不得諸比丘  
立與作仰鉢人俱在界內若坐若立得作仰  
鉢諸比丘在地足數人在高上作仰鉢得不  
答不得諸比丘在高上足數人在地作仰鉢  
得不答不得諸比丘在界內足數人在界外  
作仰鉢得不答不得諸比丘足數人  
在界內作仰鉢得不答不得諸比丘足數人  
俱在界內若坐若立得作仰鉢問毗尼中說  
不得以宿聽出他過頗比丘宿聽出他過無  
罪耶答曰有若受自恣時得餘時不得問應  
從何處求聽答應從衆僧中問何處應與聽  
法答曰衆僧中問何處應遮波羅提木又答  
衆僧中問何處應遮自恣答衆僧中問何處  
如法自言答衆僧中問何處如法斷事答衆  
僧中問諸比丘遮瘞人波羅提木又得名遮

嵩七

不答不得問遮聾人瘞聾人狂人散亂心人  
病壞心人波羅提木又得名遮不答不得問  
若諸比丘以瘞人足數遮波羅提木又得名  
遮不答不得問若以聾人瘞人狂人散亂心  
人病壞心人足數遮波羅提木又得名遮不  
答不得問受法比丘遮不受法比丘波羅提  
木又得名遮不答不得問不受法比丘遮受  
法比丘波羅提木又得名遮不答不得問受  
法比丘以不受法比丘足數遮波羅提木又  
得名遮不答不得問不受法比丘以受法比  
丘足數遮波羅提木又得名遮不答不得問  
頗一比丘遮四住處波羅提木又得名遮不  
答曰有若牀榻杖木連接四界得名遮問頗  
有一足數人足四處遮波羅提木又得名遮  
不答曰有若牀榻杖木連接四界得名遮頗  
問臥具法第七

優波離問佛毗尼中說受法人雖是長老不  
名尊長說非法人雖是上座不名尊長云何

名尊長非尊長答受法比丘應禮敬不受法

比丘不受法比丘不應禮敬受法比丘是名

尊長非尊長問毗尼中說此間安居比丘不應彼處取卧具頗有比丘此間安居彼處取卧具不得罪耶答曰有後安居若阿練若比丘此間安居彼處取卧具欲來歲安居無罪

問毗尼中說佛告舍利弗波等先籌量人後當分布取卧具云何名籌量人答一部清

淨上座和合是名籌量人問沙彌在僧坊應

取卧具不答應取問一比丘獨在僧坊應取卧具不答應取問若二比丘在僧坊中住應取卧具不答應取問若三比丘在僧坊中住

廿

八

應取卧具不答應取問若四比丘在僧坊中住應唱分卧具不答應唱分問頗一比丘四處住取卧具耶答曰有若牀榻杖木連接四邊得取卧具問頗有比丘不現前與卧具不答或與或不與誰應與知當來誰不應與知當不來不與者不與若囑者一切卧具應與

一切作事令代作  
問滅諍法第八

優波離問佛頗有以一事多覓法滅得名滅不得罪耶答曰有唱分布卧具事起是也問毗尼中說二因緣故破僧一唱說二取籌是中若賊住比丘唱說行籌可名破僧不答不行籌可名破僧不答不名破僧

名破僧問若狂人散亂心人病壞心人唱說行籌可名破僧不答不名破僧

問雜事初

優波離問佛如佛所說邊地人持律第五得受具戒頗有十人但取五人得名受具戒不答得名受具戒與受具戒者得罪問聾人云

廿

何名得布施答若眼見若盲人若著手中若著膝上心生念我得是物問若坐卧具上若織若畫作女人像若半有半無得坐卧不答不得不犯者若多壞若敷尼師壇坐問捉牛牛尾得渡河不答不得問除擯牛若捉餘畜生尾得渡河不答若捉師子虎狼象特牛驢

廿四

九

馬尾者得捉渡河

問受石蜜聚舉宿經七日繆雜得服不答雜餘繆不得問不淨藥草著油中煮得服不答不得若病人塗身手足灌鼻無罪問若以不淨脂煮鹽得食不答病人若燒得服

問比丘以火刀爪淨果得食不答不得問若果樹在淨地枝在不淨地果墮是中可食不答不可食若果樹在不淨地枝在淨地果墮是中可食不答可食佛語諸比丘從今日不聽汝作淨地羯磨若作得突吉羅從是語已捨是事也

問諸大小槃圓槃机案上得食不答不得問人乳得飲不答不得若病以洗瘡塗眼得問人肉得食不答不得若食得偷蘭遮問故爲殺畜生肉可食不答不得若食得突吉羅不淨鳥獸肉不應食若食得突吉羅鷄肉不應食若食得突吉羅鷄鷺鳥等肉不應食若食得突吉羅蝦蟆肉不應食若食得突吉羅水蛭

不應食若食得突吉羅即日受時藥時分藥七日藥盡形藥共合一處中前應服時藥力故過中不應服即日受時分藥七日藥盡形藥共合一處時分應服時分藥力故過時分不應服即日受七日藥盡形藥共合一處七日應服七日藥力故過七日不應服盡形藥隨意應服昨日受時藥不淨即日受時分藥七日藥盡形藥共合一處不應服昨日受時分藥不淨即日受七日藥盡形藥共合一處不應服昨日受七日藥不淨即日受盡形藥共合一處不應服盡形藥盡形應服問頗有從一物邊作時藥時分藥七日藥盡形藥答曰有甘華是時藥清汁是時分藥作石蜜是人內得食不答不得若食得偷蘭遮問故爲殺畜生肉可食不答不得若食得突吉羅不淨鳥獸肉不應食若食得突吉羅鷄肉不應食如水是時分藥作酥是七日藥燒作爐悔是盡形藥胡麻是時藥壓作油是七日藥燒作爐悔是盡形藥肉是時藥煎取脂是七日藥燒作爐悔是盡形藥問時分七日盡形藥是廿

諸藥舉殘宿得服不答不得問若大比丘先自取後從淨者邊受可服不答不得問是藥手受口受無病應服不答不得問若手受口受病比丘得服不答得服問八種漿非時可飲不答若無酒氣味清淨得服

問得從狂人取衣不答或可取或不可取若

知有父母兄弟居家與可取若知無父母兄弟非居家中與不可取問狂人何時應受衣答還得本心時有一比丘獨一處住是中檀越施僧現前可分物是比丘應心念口言是衣物爲此住處現前僧可分是衣物今屬我我應受自用若能作是語得名羯磨若餘比丘來從索不應與若不作是語是物不應取若取得突吉羅亦應共餘比丘分若不如是作出界外得突吉羅問若賢者責罰兒是兒持物與比丘可取不答不應取問自恣竟先檀越施僧衣作是言是物施是間安居僧是時非夏末月諸比丘亦不受迦緋那衣是衣

應屬誰答雖非夏末月諸比丘亦不受迦緋那衣是衣應屬此間安居竟僧應分問諸檀越持衣施作是言是衣施是間現前僧是時夏末月諸比丘受迦緋那衣是衣應屬誰答雖是夏末月雖受迦緋那衣是衣應是一住處現前僧應分問檀越持衣施作是言是衣

廿四

十一

施此住處去年乃至十歲安居僧是安居時非夏末月不受迦緋那衣是衣應屬誰答雖非夏末月不受迦緋那衣是衣但去年乃至十歲此處安居僧應分問檀越持衣入僧坊作是言是衣施此住處將來一年二年乃至十年是中安居僧爾時是夏末月受迦緋那衣是衣應屬誰答言雖是夏末月受迦緋那衣是衣應來一年乃至十年此間安居僧分問勸化主爲僧事出界去誰當與安居衣分答隨所爲出界處應與又隨所住日多處應與問破安居比丘應與衣分不答或應與或不應與何者應與若知前安居若後安居應

與若多住應與若半住應與何者不與若知不前安居若知不後安居若住日少是問看病人爲病人故出界去病人命終應與看病衣分不答曰或應與或不應與應與者實爲病人故出應與若餘事故出不應與問云何名看病人答若能看視療治病人才至若死若差與隨病藥隨病食具足供給親近益利使離諸衰損所作無闕是名看病人問若白衣作看病入應與看病人物分不答不應與問若比丘尼作看病入應與看病人物不答不應與若是看病比丘餘處安居應與看病人物不答應與問若看病入後安居病比丘前安居應與看病人物不答應與問若沙彌作看病入應與看病人物不答言應與云何與答大比丘等與問與學沙彌齊何作淨施答隨所得時作淨施問錢云何作淨施答應言此是不淨物若淨當受用問頗一比丘四住處一時安居得名安居無罪耶答若以

牀榻梓木連接四界得名安居何處應與安居衣分答應四處各與四分之一若比丘兩浴衣若小受得突吉羅若覆瘡衣若小受得突吉羅若比丘分盈長衣得突吉羅問若比丘作三相一赤裸二著角鷄翅衣三著鬚欽跋羅得何罪答得偷蘭遮問若比丘除是三

廿四十三

相更作餘相得何罪答得突吉羅

問毗尼中說故衣不得受作迦繻那衣若受不名受云何名故衣答以曾受作迦繻那衣是名故衣又毗尼中說新衣應受作迦繻那衣云何名新衣答若衣未曾受作迦繻那衣是名新衣佛告優波離令僧作迦繻那衣人應次第作浣染割截簪綴連縫量度作迦繻那衣浣時應生是心以是衣令僧受作迦繻那衣染時割截時簪綴時連縫時量度時應生是心以是衣令僧受作迦繻那衣若能生是六心得名受作迦繻那衣若不生是六心不名受作迦繻那衣又復作迦繻那衣人應

生三心以是衣今僧受作迦緇那衣以是衣今受作迦緇那衣以是衣能生是三心得名受作迦緇那衣若不生是三心不得名受作迦緇那衣又復作迦緇那衣應生二心得名受作迦緇那衣何等二心是衣今受作迦緇那衣以是衣今受作迦緇

那衣竟若生是二心名受作迦緇那衣若不生是二心作迦緇那衣比丘皆得突吉羅

問若受舉宿衣受迦緇那衣不名受作迦緇那衣云何名舉宿衣答若長衣過十夜是若受不淨衣不名受作迦緇那衣云何是不淨衣答求望衣是問毗尼中說去來衣不得受作迦

廿

十三

緇那衣云何名去來衣答若衣覆死人到塚間還取來是名去來衣問毗尼中說用淨衣作迦緇那衣云何名淨衣答佛所聽讚歎者是名淨衣問若未受迦緇那衣僧壞爲二部何部應受迦緇那衣答如法部應受若諸比丘受迦緇那衣竟僧壞爲二部是諸比丘得

名受作迦緇那衣不答皆得名受若受作迦緇那衣住處僧壞爲二部是二部中有諸比丘捨迦緇那衣是名捨不答若如法部捨得名爲捨佛告優波離作迦緇那衣人若浣染割截簪綴連縫二長一短時應生三心用是衣當令受作迦緇那衣以是衣今受作迦緇那衣以是衣受作迦緇那衣竟若能生是三心得名受作迦緇那衣若不生是三心不得名受作迦緇那衣又復應生二心以是衣今受作迦緇那衣以是衣今受作迦緇那衣竟若生是二心得名受作迦緇那衣若不生是二心不得名受作迦緇那衣作迦緇那衣人犯突吉

羅優波離問佛是衣有何義故名迦緇那衣佛告優波離是衣名字爲迦緇那優波離問佛何者是迦緇那答以是衣受迦緇那問何者是迦緇那義答衣名迦緇那義生九心故名受作迦緇那八因緣故名捨迦緇那問毗尼中說是迦緇那衣住處名蔭覆蔭覆義云何

答迦繻那衣住處薩覆僧得受衣物等施問  
毗尼中說得用急施衣令僧受作迦繻那衣  
云何名急施衣答十日未至自恣得衣物是  
名急施衣

問毗尼中說得時衣令僧受作迦繻那衣云  
何名時衣答若夏末月得衣物是名時衣佛  
告優波離五比丘不得作迦繻那衣人何等  
五一無歲二破安居三後安居四擯五別住  
是名爲五佛吉若減五人受迦繻那衣不得  
名受迦繻那衣若四比丘第五白衣不名得  
受若沙彌非比丘外道不見擯人不作擯人  
不捨惡邪見擯人不共住人種種不共住人

廿四

古

自言我犯重罪人若先來白衣若汗比丘尼  
人不能男人越濟人若殺父母阿羅漢破僧  
人惡心出佛身血人如是等作第五人不名  
受迦繻那衣問頗有隨日受迦繻那衣彼日  
捨不作羯磨不得罪耶答曰有受迦繻那衣  
諸比丘作十四日客比丘來作十五日若舊

廿五

比丘隨客比丘即日作布薩捨迦繻那衣無  
罪問云何得破僧罪答若人非法知是非法  
邪見故壞僧如是得破僧罪又非法謂是法  
邪見故壞僧得破僧罪又非法中疑邪見故  
壞僧得破僧罪問所有破僧皆是僧諍聲耶  
所有僧諍聲皆是破僧耶答或有破僧無僧  
諍聲或有僧諍聲非僧破或有僧破亦僧諍  
聲或非破僧無僧諍聲問云何破僧無僧諍  
聲答若僧壞爲二部未受十四破僧事是名  
破僧無僧諍聲云何僧諍聲非破衆僧答若  
諸比丘執是十四破僧事僧未作二部是名  
僧諍聲非破僧云何破僧亦僧諍聲答若僧  
壞爲二部受十四破僧事是名破僧亦僧諍  
聲云何非破僧亦非諍聲答除上爾所事問  
所有破僧皆是別離僧耶所有別離僧皆是  
破僧耶答或有破僧非是別離或有別離非  
破僧或有破僧亦是別離或非破僧亦非別  
離云何破僧非是別離答若僧破共一處住

十五

是名破僧非是別離云何別離非是破僧答  
若二衆別異住異地異界異施異衣是名別  
離非是破僧云何破僧亦是別離答若衆僧  
壞爲二部別異住異地異界異施異衣是名  
破僧亦是別離云何非破僧亦非別離答除  
上爾所事問所有破僧皆是僧別異耶有僧  
別異皆是破僧耶答或有破僧非僧別異或  
僧別異非是破僧或破僧亦僧別異或非破  
僧非僧別異云何破僧非異別異答若僧破  
未別異住未異地異界異施衣是名破僧  
非是別異云何別異非是破僧答若僧不破  
別異住異地異界異施異衣是名別異非是  
破僧云何破僧亦是別異答若衆僧破爲二  
部別住異地異施異界異衣是名破僧亦是  
別異云何非破僧亦非別異答除上爾所事  
問若僧破爲二部若一部捨界可得捨不答  
如法者捨得名捨問若衆僧破比丘尼應作  
布薩不答應作布薩比丘尼不同事故問若

衆僧破闍羅吒比丘云何應布薩答是闍羅  
吒比丘應出界作布薩說戒問若衆僧壞爲  
二部比丘尼應從何部受半月教化答應從  
如法部受若無如法闍羅吒比丘應出界教  
化問三擯比丘一比丘隨順供給得何罪答  
是比丘得二突吉羅一波夜提問擯比丘名  
爲獨名爲有伴黨耶答一切擯比丘名爲獨  
無有伴黨問比丘擯未決定應共住同事不  
答若共住同事無罪問受法比丘得與不受  
法比丘作羯磨不答不得不不受法比丘得與  
受法比丘作羯磨不答不得不若有一擯比丘  
四比丘隨順名爲破僧不答名破僧何以故  
衆僧擯是人而四比丘隨順故問毗尼中說  
如是人不應作不見擯若擯得偷蘭遮罪何  
以故近破僧因緣故云何名如是人當知是  
大德人若多知多識多聞大德明解修始路  
毗尼阿毗曇義是故說名如是人不應與作  
不見擯若擯得偷蘭遮罪近破僧故問毗尼

廿

十六

中說用可信比丘語應見罪云何名可信答從可信語比丘邊聞亦自信是罪問毗尼中說若僧欲破應次第空一牀處敷獨坐牀知法者應作諸羯磨及教化比丘尼是中云何成法答若諸比丘共心悔知罪互相恭敬禮拜問訊是問毗尼中說若破一毛爲百分當如是細求和合衆僧因緣莫求破僧因緣問云何名細求答應求語言應求義趣應分別籌量應籌量細求和合僧因緣莫求破僧因緣若擯比丘心悔知罪恭敬禮拜衆僧諸比丘將界外解擯得解擯不答得解擯諸比丘得罪俱舍彌何時名破僧答若俱舍彌比丘內共一住處別作布薩及諸羯磨爾時名破僧問俱舍彌誰名破衆僧答知法比丘界內共住處別作布薩及諸羯磨者是問若比丘尼僧破爲二部比丘尼來詣諸比丘求教化法諸比丘應與教化不答應與應作是言諸姊善共和合問二因緣故名爲破僧一唱說

二者取籌若以餘因緣唱說取籌名破僧不答不名破僧問若衆僧破爲二部諸比丘尼來求教化應教化不答應與教化何以故不欲令比丘尼僧破故問毗耶離比丘受比丘尼求教化若俱舍彌比丘爾時在界內毗耶離比丘云何作教化答應出界教化問俱舍彌二部朋黨一布薩處集闍賴吒比丘云何作布薩答應出界作布薩說戒是問檀越捉上座手布施衆僧是施物應屬誰答隨何部作上座是物應屬若檀越捉第一上座第二上座手言是物施衆僧應屬誰答若第一上座第二上座同一部應屬一部第一上座第二上座各在一部應屬二部云何應分次第分第四分與沙彌問毗耶離比丘就闍賴吒比丘共作布薩說戒得名布薩說戒不答得顯闍賴吒相故若闍賴吒比丘就毗耶離比丘共作布薩說戒得名布薩說戒不答得布薩說戒但失闍賴吒相故問俱舍彌比丘就

廿四

十七

闍賴吒比丘布薩說戒得名布薩說戒不答得顯闍賴吒相故闍賴吒比丘就俱舍彌比丘作布薩說戒得名布薩說戒不答得布薩說戒但失闍賴吒相故如佛所說有一住處諸比丘作羯磨非法別衆非法和合衆似法別衆似法和合衆如法別衆知法和合衆云何非法別衆答應與苦切羯磨與作不見擯羯磨僧不和合是名非法別衆云何名非法和合是名非法和合衆答應苦切羯磨與作不見擯羯磨僧已睡眠得擯問若衆僧以餘因緣和合即擯比丘得名擯不答曰得擯說羯磨者得罪問若減四比丘擯人得名擯不答不得問若三比丘第四若白衣沙彌非比丘外道不見擯見擯羯磨時先唱說後白僧和合是名似和合衆云何名如法別衆答若應與作不見擯與作不見擯羯磨僧不和合是名如法別衆云何如法和合衆答若應與作不見擯與作不見擯羯磨僧和合是名如法和合衆若一比丘擯一人一突吉羅一人擯二人二突吉

羅一人擯三人三突吉羅一人擯四人四突吉羅二人擯二人二突吉羅二人擯三人三突吉羅二人擯四人四突吉羅二人擯一人一突吉羅三人擯三人三突吉羅三人擯四人四突吉羅三人擯一人一突吉羅三人擯一人一突吉羅三人擯四人二突吉羅問若四比丘擯四比丘得何

廿

大

罪答得偷蘭遮罪以破僧因緣故問一切衆僧睡眠爾時擯比丘得擯不答若衆僧聞而已睡眠得擯問若衆僧以餘因緣和合即擯比丘得名擯不答曰得擯說羯磨者得罪問若減四比丘擯人得名擯不答不得問若三比丘第四若白衣沙彌非比丘外道不見擯不作擯惡邪不除擯不共住別住種種不共住自言犯重罪先來白衣汙比丘尼殺父母殺阿羅漢破僧惡心出佛身血人作第四人得擯人不答不得問如佛所言有一住處諸比丘應作羯磨者彼不集一處應與欲而不與現前比丘能遮者遮成遮云何應與羯磨

比丘答若應四衆作羯磨四比丘應作若應五衆作羯磨者五比丘應作若應十衆作羯磨者十比丘應作若應二十衆作羯磨者二十比丘應作諸比丘清淨同住同見是名應作羯磨比丘問若比丘睡眠諸比丘作擯得擯不答若比丘聞自己睡眠得名擯問若入定比丘諸比丘得擯不答若是比丘聞自己入定得名擯問若衆僧破爲二部互相擯得擯不答若如法者擯得名擯問以闡賴吒比丘足數擯比丘得擯不答得擯但失闡賴吒相故問所有非法羯磨是別衆羯磨耶所有別衆羯磨是非法羯磨耶答或非法羯磨非別衆或別衆羯磨非非法或非法羯磨亦是別衆或非法羯磨亦非別衆云何非法羯磨非別衆答所有中作羯磨比丘和合一處應與欲者皆與欲來現在比丘能遮者不遮若人現前先說其事與作羯磨是名非法羯磨非是別衆云何別衆羯磨非非法

廿十九

答所有中作羯磨比丘不和合一處應與欲者不與欲來現在前比丘能遮者遮成遮若人現前先說其事乃作羯磨是別衆羯磨非法云何非法羯磨亦別衆答所有中作羯磨比丘不和合一處應與欲者不與欲來現前比丘能遮者遮成遮若人不現前不先說其事與作羯磨是名非法羯磨亦別衆云何非法亦非別衆答所有中作羯磨比丘和合一處應與欲者皆與欲來現在比丘能遮者不遮若人現前先說其事與作羯磨是名非法亦非別衆問所有是法羯磨皆是和合耶所有和合羯磨皆是有法耶答或有是法羯磨非是和合或是和合羯磨非是有法或有法羯磨亦是和合或非有法羯磨亦非和合云何有法羯磨非是和合答所有中作羯磨比丘不和合一處應與欲者不與欲來現前比丘不遮若遮成遮若人現前先說其事乃作羯磨是名有法羯磨非是和合云何

和合非是有法羯磨答所有中作羯磨比丘  
和合一處應與欲者皆與欲來現在前比丘  
不遮若遮成遮若人不現前不先說其事與  
作羯磨是名和合非有法羯磨云何有法羯  
磨亦和合答所有中作羯磨比丘和合一處  
應與欲者皆與欲來現前比丘遮成遮而不

遮若人現前先說其事與作羯磨是名有法  
羯磨亦和合云何非有法羯磨亦非和合答  
所有中作羯磨比丘不和合一處應與欲者  
不與欲來現前比丘遮成遮而遮若人不現  
前不先說其事與作羯磨是名非法羯磨亦  
非和合問毗尼中說所有罪人衆僧乃至三  
廿四

教勅頗比丘無罪衆僧乃至三教勅耶答除  
諸罪餘教勅是也問宿白僧中得作羯磨不  
答除屬和尚尼羯磨若僧未起得作一切羯  
磨問諸比丘唱說後向擯比丘說得名擯不  
答得名擯作羯磨人得突吉羅問諸比丘因  
僧與欲作諸羯磨得名作耶答除病和尚羯  
磨若僧未起得作一切羯磨問比丘自爲作  
羯磨得作不答不得若作者衆僧應語是人  
言汝自慎自受治

優波離問佛是諸本破戒人賊住比丘先來  
白衣等是人云何如法自言答是人僧中乃  
至三自說是問可得一時唱說四人令得戒  
耶答不得問可得一時唱說令四人得受大  
戒耶答不得問三比丘第四是擯比丘得擯  
不答不得擯問第四別住比丘擯比丘得擯  
不答不得問諸比丘擯可制伏得擯不答得  
擯先制伏羯磨得滅諸比丘得擯可依止比  
丘可出懺悔比丘不耶答得擯先可依止可  
出懺悔羯磨得滅問諸比丘與已擯比丘作  
制伏羯磨名作不答不得作以不中同事故  
問諸比丘與擯比丘作依止遣出懺悔羯磨  
得名作不答不得作以不中同事故問除比  
丘讓餘人得何罪答突吉羅罪

優波離問佛制伏羯磨有何義耶佛言此是

羯磨名字是羯磨從闡諍相言邊出應語是比丘衆僧後當籌量汝事又問出尊依止羯磨有何義答此是羯磨名字是但數作衆罪衆僧應語是人汝當依止某甲比丘在問世尊驅出羯磨有何義答此是羯磨名字是羯磨汙他家比丘邊出應語是人汝出去莫是

中住優波離問佛破慢羯磨有何義答此是

羯磨名字是羯磨從輕罵白衣邊出應語是人汝應向某甲居士悔過

優波離問如佛所說汝應依止某甲比丘住此說有何義佛言隨是罪比丘深心愛念恭敬者畏難者應依止是比丘住又問如佛所

說言衆僧後當籌量此說有何義云何籌量答應語言汝若有罪應入僧中三自首僧當隨罪治汝是名籌量問若比丘語兩眼人言汝是一眼人得何罪答故妄語故得波逸提又問語一眼人言汝瞎眼人得何罪答輕惱他故得波逸提

## 十誦律卷第五十四

廿四

慣閑上俱反  
蘇感妹反  
機案上俱反  
就蝦蟆露麻二字反  
反繫纏上作舍下知縫反

訊音信  
自首丁音  
那垂果反  
驚二同於驚見反  
鷄驚上尺指反

水蛭一名蟻煙火上音梅緒田  
蠅一名蠅煙火下音臺緒田

眼上許反

廿五

## 十誦律卷第五十五

廿五

姚秦藏弗若多羅共三藏鳩摩羅什譯

### 善誦第十誦之一

佛在王舍城語諸比丘十種明具足戒何等十佛世尊自然無師得具足戒五比丘得道即得具足戒長老摩訶迦葉自誓即得具足

問如佛所說比丘若內若外輕惱他是中云何內云何外答內者界內外者界外復次舍內名內靈地名外問如佛所說阿利吒比丘揭馱婆羅門本弟子說遮道法作不遮法問云何是遮法答我說欲是遮法優波離問

謂之四竟